

Nova pagina iniciala per l'e-banking da la BCG – ussa cun ina pussaivladad individuala da concepir la vista

Cuira, ils 12 d'avust 2014 – La Banca Chantunala Grischuna (BCG) introducescha pass per pass ina nova pagina iniciala per ses e-banking. Las clientas ed ils clients pon en l'avegnir concepir la pagina iniciala tenor lur agens basegns. Quai è pussaivel grazia a divers elements d'utilisaziun ch'ins po plazzar libramain.

La pagina iniciala per l'e-banking da la BCG sa lascha uss organisar individualmain grazia a divers elements d'utilisaziun (widgets). Clientas e clients pon concepir lur agen portal da finanzas e survegnan tut las infurmaziuns ch'èn relevantas per els en in'egliada. Ils widgets pon vegnir plazzads libramain e dattan ina survista dal saldo da conto actual, dals ultims moviments dal conto, da la facultad totala ed anc bler dapli. Pajaments e transports da conto pon ins far cun anc damain clics. Ils utilisaders han en pli la pussaivladad dad activar facilmain lur carta Maestro da la BCG per la proxima destinaziun da vacanzas.

Las optimaziuns pussibiliteschan a las clientas ed als clients da far lur affars da banca en l'avegnir da maniera pli confortabla, simpla e sperta. La nova pagina iniciala vegn a sa midar las proximas emnas automaticamain. Tgi che vul profitar da la nova pagina gia ussa, po l'activar sez a partir d'immediat sut «Einstellungen», «Allgemein» e far ina crusch en la checkbox «Widget-Startseite aktiviert». L'e-banking da la BCG cun tut las novaziuns è era cumpatibel cun tablets. Dapli infurmaziuns ed in'instrucziun en tudestg per installar ils widgets chattais Vus [qua](#).

A Vossas dumondas respunda gugent:

georg.wismer@gkb.ch

Manader e-channels, commember dal cader | +41 81 256 87 33

Il sector Marketing & comunicaziun As gida gugent a cuntanscher il pli svelto pussaivel Vossa persuna da contact:

As drizzai a thom.mueller@gkb.ch | +41 81 256 83 11.

Banca Chantunala Grischuna – il leader en il Grischun

La Banca Chantunala Grischuna porscha tut quai ch'i' dovra per ina banca universala moderna – per personas privatas, l'economia ed il maun public. La banca occupa l'071 collavuraturas e collavuratur (stadi dals 30-06-2014). En il chantun Grischun cun sias numerusas vals e pliras linguas, è l'interpresa represchentada cun 65 agenturas, la sedia principala sa chatta a Cuira. La Banca Chantunala Grischuna è participada a la Banca Privata Bellerive SA ed a la Private Client Bank SA a Turitg. En il rendaquint semestril preschenta ella cun ina summa da bilantscha da CHF 20,236 milliardas in gudogn brut consolidà da CHF 109,2 milliuns. Il scrit da participaziun BCG è quotà a la bursa dapi ils 10 da settember 1985.

Termins

| | |
|------------------------------|------------------|
| Quint annual 2014: | 6 da favrer 2015 |
| Radunanza dals participants: | 28 da mars 2015 |

chascha postala
7002 Cuira
Tel. +41 (0)81 256 91 11
Fax +41 (0)81 256 99 98
www.gkb.ch